



**Ciorclán 0011/2024**

**Chuig Údaráis Bhainistíochta agus Phríomhoidí na mBunscoileanna**

**Socruithe soláthar foirne i mBunscoileanna don scoilbhliain  
2024/25**

**Réamhrá**

Is éard is cuspóir leis an gclár seo an lucht bainistíochta agus an fhoirean go léir sna bunscoileanna a chur ar an eolas faoi na socruithe soláthar foirne atá ann do bhunscoileanna don scoilbhliain 2024/25.

Braitheann leithdháileadh na bpost teagaisc ar scoileanna ar chomhlíonadh na socruithe ath-implonaithe atá i bhfeidhm don scoilbhliain 2024/25.

Is é ath-implonú na mbuanmhúinteoirí/na múinteoirí le CID an mheicníocht a úsáidtear chun poist teagaisc a líonadh. Tá sé an-tábhachtach maidir le cumas na Roinne chun feidhmiú laistigh dá buiséad párolla. Ní bheidh cead ag Boird Bhainistíochta/BOO tús a chur le próiseas earcaíochta chun folúntas teagaisc a líonadh go dtí go mbeidh an Roinn sásta nach bhfuil aon fholúntais ag teastáil chun aon bhuanmhúinteoirí/mhúinteoirí le CID breise a ath-implonú.



Is iad na heochairphointí atá le tabhairt faoi deara:

- Scoirfidh gach post de bhraisle Oideachais Speisialta atá ann faoi láthair ag deireadh na bliana 2023/24 agus ba chóir do scoileanna uaireanta páirtaimseartha Múinteoir Oideachas Speisialta a athbhraisliú i bpoist lánaimseartha roinnte.
  
- Is é 29 Feabhra 2024 an príomhdháta do scoileanna an méid a leanas a dhéanamh:
  - Fógra a thabhairt don Oibreoir Painéil ábhartha maidir le haon fholúntas buan nó folúntas ar théarma seasta.
  - Foirm Iarratais an Phríomhphainéil Ath-Imlonnaithe (Aguisín E) a chur ar ais maidir le múinteoirí buana barrachais/múinteoirí ar chonradh tréimhse éiginnte (CTÉ) chuig Rannóg um Leithdháileadh Bunmhúinteoirí na Roinne.
  - Cuir in iúl do Rannóg na Roinne maidir le Leithdháiltí Mhúinteoirí Bunscoile faoi na socruithe nua braislithe do Mhúinteoir Oideachais Speisialta (MOS), ag baint úsáid as Foirm SETCluster2024/25 (Aguisín D)
  - “Foirm Dearbhaithe CID 24” (Aguisín G) a chur ar ais maidir le gach múinteoir ar bronnadh CTÉ air nó uirthi le linn scoilbhliain 2023/24 nó roimhe sin maraon le Foirm Iarratais Príomhphainéil, más infheidhme, chuig Rannóg um Leithdháileadh Bunmhúinteoirí na Roinne.
  - Foirm Achomhairc Foirne comhlánaithe (Aguisín F) a chur isteach le haghaidh chruinniú Márta an Bhoird Achomhairc um Fhoireann Bunscoile chuig Rannóg um Leithdháileadh Bunmhúinteoirí na Roinne
  - Iarratas comhlánaithe Foirm PRIM – Tacaíocht Teanga 2024/25 a chur isteach do dhaltaí a bhfuil riachtanais teanga acu
  
- Foilseofar na Príomhphainéil Ath-implonnaithe tar éis na Cásca do scoileanna chun múinteoirí a cheapadh ó na painéil go folúntais



## Ábhair an Chiorcláin

Is é seo a leanas struchtúr an chiorcláin seo agus tugtar an fhaisnéis seo a leanas ann:

Tá na doiciméid atá liostaithe thíos ar fáil anseo:

- Cuid 1: Socruithe soláthar foirne don scoilbhliain 2024/25
- Cuid 2: Sonraí cúlra faoin na socruithe soláthar foirne don scoilbhliain 2024/25
- Cuid 3: Socruithe Ath-implonaithe don scoilbhliain 2024/25
- Cuid 4: Achomharc um Sholáthar Foirne Bunscoile don scoilbhliain 2024/25
- Aguisín A: Táblaí sceideal Foirne Bunscoile don scoilbhliain 2024/25
- Aguisín B: Tairseacha rollaithe do phost an Phríomhoide Riaracháin agus an Leas-Phríomhoide Riaracháin don scoilbhliain 2024/25
- Aguisín C: Liosta nuashonraithe de na scoileanna uile, ina léirítear na sonraí leithdháiltí seo a leanas don scoilbhliain 2024/25
- Uaireanta NCSE atá sannta do gach scoil
  - Poist lánaimseartha agus uaireanta atá ar fáil le haghaidh braislithe i ngach scoil faoin leithdháileadh do Mhúinteoirí Oideachais Speisialta
  - Leithdháileadh EAL Buan do Scoileanna le líon mór daltaí óna dteastaíonn tacaíocht teanga acu
- Aguisín D: Foirm maidir le Múinteoir Oideachais Speisialta MOS Cnuasach 2024/25 - Fógra a thabhairt faoi chnuasphoist nua do Mhúinteoirí Oideachais Speisialta don scoilbhliain 2024/25
- Aguisín E: Foirm Iarratais do Rochtain Buanmhúinteoirí/Múinteoirí le CID ar an bPríomhphainéal Ath-implonaithe don scoilbhliain 2024/25 - Foirm Iarratais do Phríomh-Phainéal Ath-Implonaithe
- Aguisín F(a-g): Iarratas chuig an mBord Achomhairc um Sholáthar Foirne ag an mBunleibhéal don Scoilbhliain 2024/25



Aguisín G: “Foirm Dhearbhaithe CID 24” i ndáil le gach múinteoir dár tugadh CID don scoilbhliain 2023/24 no roimhe sin

Aguisín H: Foirm CIDApp (24/25) – Iarratas ar cheadú na Roinne do thabhairt Conartha Tréimhse Éiginnte (CID) do mhúinteoir sa scoilbhliain 2024/25 de réir téarmaí an Chiorcláin 0023/2015

### **Tuilleadh faisnéise/Ceisteanna Coitianta (CC)**

Is ar láithreán gréasáin na Roinne a fhoilseofar aon fhaisnéis breise faoin bpróiseas leithdháilte múinteoirí agus nuashonruithe rialta freisin faoin dul chun cinn um ghlanadh na bpainéal ath-implonaithe.

D’fhoilsigh an Roinn freisin cáipéis CC (Ceisteanna Coitianta) um Shocruithe Ath-implonaithe ag an mBunleibhéal do Bhuanmhúinteoirí agus do Mhúinteoirí CID Breise tríd an bPríomhphainéal agus cáipéis Ceisteanna Coitianta ar Chiorclán 0011/2024 um Shocruithe Soláthar Foirne i mBunscoileanna don Scoilbhliain 2024/25.

### **Fiosruithe**

Má bhíonn fiosruithe agat tar éis duit an ciorclán seo agus cáipéisí CC gaolmhara a léamh i ndáil leis an leithdháileadh soláthar foirne do scoilse, féadfaidh tú na fiosruithe a sheoladh i ríomhphost chuig [primaryallocations@education.gov.ie](mailto:primaryallocations@education.gov.ie). Áirítear uimhir rollaithe na scoile agus ainm na scoile sa líne ábhair le haon fhiosrú ríomhphoist.

Paraic Joyce  
Príomhoifigeach  
An Rannóg Leithdháiltí Múinteora

Feabhra 2024



**Eochairdhátaí & Foirmeacha do Scoileanna maidir leis an bPróiseas um Leithdháileadh agus Ath-implonú Múinteoirí 2024/25**

<b>Eochairghníomh</b>	<b>Foirm le Comhlánú agus le Seoladh ar ais chuig Leithdháiltí Bunscoile</b>	<b>Dáta le gníomh a chur i gcrích</b>
Cumasaíonn na táblaí rollaithe don sceideal soláthar foirne ag Aguisín A scoileanna a leibhéal soláthar foirne príomhshrutha a cheadú don scoilbhliain 2024/25 Cumasaíonn na tairseacha rollaithe in Aguisín B scoileanna chun ceadú má bhíonn siad i dteideal stádais Phríomhoide Riaracháin agus/nó Leas-Phríomhoide Riaracháin.		Láithreach
Ní mór do scoileanna fógra a thabhairt dá nOibreoir Painéil iomchuí faoi aon bhuanfholúntas agus faoi aon fholúntas ar théarma seasta atá le teacht chun cinn mar iarmhairt ar an sceideal soláthar foirne nó fáth ar bith eile atá ar eolas ag an tráth sin.		29 Feabhra 2024
Ní mór do scoileanna folúntais bhuaana agus folúntais téarma seasta ina dhiaidh sin a chur in iúl dá nOibreoirí Painéil agus don Rannóg um Leithdháileadh Bunscoile ábhartha laistigh de 5 lá oibre tar éis don Bhord Bainistíochta/BOO nó Príomhoide an folúntas a chur in iúl.		Laistigh de 5 lá oibre tar éis don Chathaoirleach / POF nó don Phríomhoide eolas a fháil faoi
Scoirfidh gach post braislithe san Oideachas Speisialta ag deireadh na scoilbhliana 2024/25  In Aguisín C, leagtar amach leithdháileadh uaireanta MOS, na poist bhuaana lánaimseartha leis na huaireanta sin agus na huaireanta atá ar fáil le haghaidh braislithe.  Anois is féidir le scoileanna (don scoilbhliain 2024/25) uaireanta páirtaimseartha Múinteoirí Oideachais Speisialta (M.O.S.) a chnuasú i mbuanphoist M.O.S. lánaimseartha nua (25 uair an chloig) atá roinnte le scoileanna eile in aice láimhe	Aguisín D: Foirm Chnuasach M.O.S. 2024/25	29 Feabhra 2024
Ba cheart do scoileanna le múinteoirí buana/le CID farasbairr a shocrú go gcuirí an/na P(h)ríomh -fhoirm(-eacha) Iarratais don Phainéal Ath-implonaithe	Aguisín E: Foirm MPF	29 Feabhra 2024



c(h)omhlánaithe ar ais chuig Rannóg Leithdháiltí Bunmhúinteoirí na Roinne.		
Ní mór do scoileanna “Foirm Dhearbhaithe CID24” a sheoladh ar ais chuig Rannóg Leithdháiltí Bunmhúinteoirí na Roinne le cur in iúl don Roinn faoi aon mhúinteoir a fuair CID sa scoilbhliain 2023/24 nó roimhe sin faoi théarma Chuid A1 nó A2 dde Chiorclán 0023/2015.	Aguisín G: Foirm Dhearbhaithe CID 24	29 Feabhra 2024
Beidh an Bord Achomhairc um Sholáthar Foirne ag reáchtáil a chuid cruinnithe i mhí Márta, na Meitheamh agus Dheireadh Fómhair. Tionólfar an chéad chruinniú i mhí Márta.	Aguisín F: Iarratas chun Bord Achomhairc um Sholáthar Foirne ag an mBunleibhéal don scoilbhliain 2024/25	29 Feabhra 2024
An dáta deireanach ar féidir le scoileanna iarratas a chur isteach ar thacaíocht teanga	Foirm PRIM – Tacaíocht Teanga 2024/25	29 Feabhra 2024
An dáta deireanach ar féidir le scoileanna iarratas a chur isteach ar pho(i)st forbraíochta bunaithe ar na rolluithe réamh-mheasta a bheidh acu i mí Mheán Fómhair.	Foirm ProjEnrPost24/25	29 Feabhra 2024
Ní mór do scoileanna iarratas a chur chuig an Rannóg Leithdháiltí Bunmhúinteoirí chun ceadú na Roinne a fháil le haghaidh aon Chonradh Tréimhse Éiginnte atá i gceist acu a bhronnadh ó thús na scoilbhliana 2024/25 faoi Chuid A1 nó A2 de Chiorclán 0023/2015.	Aguisín H: Foirm CIDApp (24/25)	
Foilseofar na Príomhphainéil Ath-implonaithe tar éis na Cásca. Líonfaidh scoileanna a bhfuil folúntais acu a bhfolúntais ó na Príomhphainéil Ath-implonaithe. Ina dhiaidh sin, ceapfar Oifigigh Phainéil chun ath-implonú múinteoirí buana/CID barrachais a éascú.		tar éis na Cásca



## Cuid 1

### Socruithe soláthar foirne don scoilbhliain 2024/25

Is iad seo a leanas na príomhghnéithe de na socruithe soláthar foirne a bheidh i bhfeidhm i mbunscoileanna don scoilbhliain 2024/25:

#### 1.1 Poist Teagaisc sa Seomra Ranga Príomhshrutha

Feidhmeoidh sceideal sholáthar na foirne i leith na mbunscoileanna ar bhonn meán ginearálta de mhúinteoir ranga amháin do gach 23 dhalta i leith na scoilbhliana 2024/25. Tá tairseacha níos ísle i bhfeidhm maidir le scoileanna Banda 1 DEIS (An Comhionannas Deise sna Scoileanna a Sheachadadh = Delivering Equality of Opportunity in Schools).

Tá na táblaí rollaithe le haghaidh fheidhmiú an sceidil soláthar foirne don scoilbhliain 2024/25 liostaithe ag Aguisín A den Chiorclán seo. Cumasaítear scoileanna leis sin anois chun ceadú na leibhéal soláthar foirne príomhshrutha a bheidh acu don scoilbhliain 2024/25.

Áirítear leis na táblaí rollaithe atá le fáil ag Aguisín A na sceidil soláthar foirne do scoileanna DEIS Bhanda Uirbeach 1.

Socraíonn an sceideal soláthar foirne líon na bpost príomhshrutha sa scoil. Iarrtar ar údaráis scoile chun a chinntiú go gcoinneofar an líon daltaí in aon rang amháin chomh híseal agus is féidir, agus na tosca comhthéacsúla ábhartha go léir á gcur san áireamh (m.sh. cóiríocht seomra ranga, rollú athraitheach srl.). Mar sin féin, ba chóir d'údaráis scoile leas a bhaint, nuair is féidir, as an bhféinriail atá acu faoin sceideal soláthar foirne chun méideanna laghdaith ranga a chur i bhfeidhm le haghaidh ranganna sóisearacha. Ba chóir go gcuirfeadh scoileanna Ingearacha Uirbeacha DEIS Bhandá 1 an cóimheas 17:1 molta chun feidhme ag an leibhéal sóisearach agus 21:1 ag leibhéal inearach.

I bhfianaise na treochta anuas réamh-mheasta le haghaidh rolluithe ag an leibhéal bunscoile, is féidir gurb amhlaidh, maidir le roinnt scoileanna a bhfuil post teagaisc seomra ranga sa bhreis le fáil acu don scoilbhliain 2024/25, nach gcoinneoidh siad an post sin idir an gearrthearma agus an meántearma. I gcásanna nach bhfuil an post teagaisc príomhshrutha faoi réir ath-implonú, tá sé réasúnach, dá bhrí sin, post teagaisc seomra ranga sa bhreis den sórt sin a implonú chun freastal ar riachtanais tosaíochta na leanaí agus na ndaoine óga sa scoil, faoi mar a sainithníodh trí phróiseas an Chontanaim Tacaíochta.



Sna cásanna sin, is féidir go gcomhlánóidh an post teagaisc príomhshrutha foireann oideachais speisialta na scoile maidir le tacaíocht a thabhairt do leanaí agus do dhaoine óga trí chómhúinteoireacht, trí thacaíocht grúpa agus trí thacaíocht duine le duine i dteannta a chéile. Maidir leis an gcinneadh i dtaca le cén cineál tacaíochta ba cheart don mhúinteoir a sholáthar, ba cheart é a bheith bunaithe ar riachtanais shainaitheanta na leanaí agus na ndaoine óga agus ar an bprionsabal gur cheart do na leanaí agus na daoine óga a bhfuil na leibhéal is mó riachtanais acu rochtain a bheith acu ar an leibhéal is mó tacaíochta. I gcás go ndéanfar an cinneadh an múinteoir a imlonnú i ról cómhúinteoireachta ar feadh na seachtaine ar fad nó ar feadh cuid den tseachtain, ba cheart don bheirt mhúinteoirí an teagasc a phleanáil go comhoibríoch agus go cúramach agus ba cheart dóibh meastóireacht thráthrialta a dhéanamh ar a mhéid atá an chómhúinteoireacht ag cur feabhas ar eispéiris agus torthaí do na leanaí agus na daoine óga a dtugtar tús áite dóibh.

## **1.2 Príomhoide Riaracháin agus Leas-Phríomhoide Riaracháin**

Tá na critéir a bhaineann le ceapacháin i bpoist mar Phríomhoidí Riaracháin agus mar Phríomhoidí Tánaisteacha Riaracháin leagtha amach in Aguisín B sa chiorclán seo.

## **1.3 Critéir maidir le Post Rollaithe Réamh-Mheasta don Scoilbhliain 2024/25**

Is féidir le scoileanna iarratas a dhéanamh ar phost príomhshrutha breise i gcás go réamh-mheastar go mbeidh an rollú ar an 30 Meán Fómhair 2024 níos mó ná an rollú ar an 30 Meán Fómhair 2023

- a) agus go mbeidh an méadú uimhriúil sin ar a laghad (mar atá sonraithe thíos)  
agus
- b) go mbeidh cúigear daltaí sonraithe sa bhreis ar an líon is gá don cheapachán





### **I gcás bunscoileanna a bhfuil Príomhoide amháin móide 6 Múinteoirí Ranga Príomhshrutha nó níos lú mar fhoireann acu don scoilbhliain 2024/25:**

is é an t-íosmhéadú uimhriúil ar an bhfigiúr rollaithe don 30 Meán Fómhair 2023 dá dtagraítear in (i) thuas ná 15 dalta. Ní mór meánmhéid ranga sa bhreis ar 23 dalta a bheith i bhfeidhm freisin maidir leis na scoileanna sin atá ag lorg poist faoin gcritéar sin (féach na heisceachtaí thíos). Ríomhtar sin tríd an líon post príomhshrutha a réamh-mheastar don scoilbhliain 2024/25 (seachas post rollaithe réamh-mheasta) a chur i bhfeidhm maidir leis an líon daltaí a réamh-mheastar chun bheith rollaithe i mí Mheán Fómhair 2024.

### **Maidir leis na bunscoileanna le soláthar foirne de Phríomhoide móide 7 Múinteoirí Ranga Príomhshrutha nó níos mó don scoilbhliain 2024/25:**

bunaithe ar an sceideal soláthar foirne, is ionann an t-íosmhéadú uimhriúil sa rollú le hais rollú 30 Meán Fómhair 2023 dá dtagraítear ag (i) thuas agus 23 dalta.

Sa chás go bhfuil scoil ag cur le líon na ranganna iontógála a ghinfeadh sruth nua, ní mór cead a bheith faighte roimh ré ag an scoil don leathnú sin ó phátrún na scoile agus ó Aonad Pleanála agus Tógála na Roinne

Ní mór do scoileanna cáiliú faoin dá chritéar in (i) agus (ii) thuas agus, i gcás scoileanna den sórt sin, d'fhéadfaí go gceadófaí buanph(i)ost b(h)reise go sealadach ar feitheamh deimhniú an rollaithe bhailí an 30 Meán Fómhair 2024. Déanfar an soláthar foirne a leasú i bhfianaise na rolluithe bailí iarbhír an 30 Meán Fómhair 2024.

Chun rolluithe a dheimhniú chun críche soláthair foirne, ba chóir Áireamh Bliantúil na mBunscoileanna a chur isteach tríd an mBunachar Sonraí Bunscoile ar Líne (POD). Scoileanna a bhfuil post acu atá faofa go sealadach, ba chóir dóibh a chinntiú go gcríochnófar a dtuairisceáin chomh luath agus is féidir i ndiaidh chur ar fáil an áirimh ar an 1 Deireadh Fómhair 2024. Scoileanna a bhfuil deacrachtaí acu an tuairisceán áirimh a chomhlánú, ba chóir dóibh dul i dteagmháil leis an Deasc Chabhrach POD ar 01 889 2311 nó [pod@education.gov.ie](mailto:pod@education.gov.ie).



Tá dhá eisceacht ann:

1. Scoileanna atá ag iarraidh go gceapfar an dara múinteoir ranga príomhshrutha (P+2)

I gcásanna den sórt sin, na scoileanna a réamh-mheasann go mbeidh íosmhéadú uimhriúil 15 dalta acu an 30 Meán Fómhair 2024 sa bhreis ar an bhfigiúr rollaithe an 30 Meán Fómhair 2023; ní gá dóibh an líon sonraithe de 5 daltaí breise ar an bhfigiúr ceapacháin ná an mheánmhéid shonraithe ranga a chomhlíonadh. Mar sin féin, ní mór an t-íosrollú réamh-mheasta 48 dalta a bhaint amach ar mhaithe leis an dara múinteoir ranga príomhshrutha a fháil ar fhorais an rollaithe réamh-mheasta don scoilbhliain 2024/25.

2. Scoileanna atá ag iarraidh go gceapfar níos mó ná post amháin post rollaithe réamh-mheasta

I gcásanna den sórt sin, ní mór do scoileanna an ceanglas a bhaineann le híosmhéadú uimhriúil agus an líon sonraithe de 5 daltaí breise a chomhlíonadh, sa bhreis ar an bhfigiúr ceapacháin don chéad phost ar fhorais an rollaithe réamh-mheasta. I gcás gach post a iarrfar ina dhiaidh sin, ní mór an líon sonraithe de 5 daltaí breise ar an bhfigiúr ceapacháin a chomhlíonadh.

Ba chóir do scoileanna foirm iarratais chomhlánaithe ar pho(i)st b(h)reise teagaisc a sheoladh chuig Rannóg Leithdháiltí Bunmhúinteoirí na Roinne, [primaryallocations@education.gov.ie](mailto:primaryallocations@education.gov.ie), an nó roimh 29 Feabhra 2024. Cé go ndéanfar breithniú ar iarratais mhalla freisin, moltar do scoileanna a chinntiú go mbeidh a n-iarratais seolta chuig Rannóg Leithdháiltí Bunmhúinteoirí na Roinne, an 29 Feabhra 2024 nó níos déanaí.

Agus acmhainní breise á lorg acu ón Roinn ar fhorais an rollaithe réamh-mheasta meabhraítear do scoileanna go bhfuil sé an-tábhachtach gur réadúil atá an rollú réamh-mheasta a thugtar. Más rud é nach bhfuil an rollú réamh-mheasta bainte amach an 30 Meán Fómhair 2024, déanfar líon foirne na scoile a laghdú dá réir sin.



## 1.4 Scoileanna Oileánda

### **Scoileanna Oileánda le Múinteoir Amháin (i.e. Príomhoide amháin)**

Faoi mar a fógraíodh i gCáinainnéis 2017, sa chás gurb í an bhunscoil an t-aon scoil ar an oileán, is amhlaidh a leithdháilfear an dara múinteoir príomhshrutha don scoil le héifeacht ó Mheán Fómhair 2017.

### **Scoileanna Oileánda le Triúr Múinteoirí (i.e. PO+2)**

Sa chás go gcaillfear an tríú post ranga i scoil oileánda ó laghdú i líon na ndaltaí, is féidir an tríú post a choinneáil, faoi réir líon iomlán na ndaltaí sa scoil bheith os cionn 40, agus gurb í an scoil an t-aon bhunscoil ar an oileán.

## 1.5 Poist do Mhúinteoirí Oideachais Speisialta (Poist MOS)

Athbhreithníodh an leithdháileadh Múinteoirí Oideachais Speisialta ar gach scoil don scoilbhliain 2024/25, de réir Chiorclán 02/2024.

In Aguisín C a ghabhann leis an gchiorclán seo, leagtar amach an leithdháileadh uaireanta an chloig le haghaidh múinteoirí oideachais speisialta ar thug an Chomhairle Náisiúnta um Oideachas Speisialta (CNOS) fógra ina thaobh do gach scoil.

Léirítear na huairanta an chloig sin mar phoist lánaimseartha (bunaithe ar 25 huairte an chloig a bheith coibhéiseach le post teagaisc amháin) agus mar na huairanta an chloig agus na nóiméid atá fágtha agus ar fáil le haghaidh braisliú isteach i bpoist lánaimseartha le scoileanna eile.

### **Braislí Múinteoirí Oideachais Speisialta atá faoi stiúir na Scoile**

Tiocfaidh gach ceann de na braislí Múinteoirí Oideachais Speisialta atá ann cheana chun deiridh ag deireadh na scoilbhliana 2023/24.

Ba cheart do scoileanna Aguisín C a cheadú chun an líon post lánaimseartha mar Mhúinteoirí Oideachais Speisialta agus an líon uaireanta an chloig d'obair pháirtaimseartha ina scoil féin a sheiceáil. Ba cheart do scoileanna an fhaisnéis sin a úsáid chun a n-uaireanta an chloig do Mhúinteoirí Oideachais Speisialta a bhraisliú isteach i bpoist bhuana Múinteoirí Oideachais Speisialta le scoileanna comharsanacha.

Maidir le scoileanna a bhfuil uaireanta an chloig do Mhúinteoirí Oideachais Speisialta atá fágtha agus de bhreis ar na poist lánaimseartha, beidh siad in ann, go dtí an 29 Feabhra 2024, dul isteach i socrú braisle chun post buan lánaimseartha (25 huairte an chloig) a bhaint amach trí shocruithe comhroinnte le scoil chomharsanach eile/le scoileanna comharsanacha eile. Ba cheart don



scoil bhunáite sa bhraisle Foirm Braisle Múinteoirí Oideachais Speisialta 2024/25 (Aguisín D) a chur faoi bhráid Rannóg na Leithdháiltí Bunmhúinteoirí.

### **Uaireanta an Chloig do Mhúinteoirí Oideachais Speisialta agus Scaoileadh Príomhoide a Chomhcheangal**

Don bhliain 2024/25, is ceadmhach do scoil, bíodh sé ina haonar nó mar chuid de phost comhroinnte mar Mhúinteoir Oideachais Speisialta, a lá scaoilte príomhoide (5 huairé an chloig) a chomhcheangal lena huairéanta an chloig do Mhúinteoirí Oideachais Speisialta.

Is ceadmhach é sin do dhá scoil ar a mhéad i mbraisle ar leith. Tá sé tábhachtach go gcomhlánófaí an fhoirm (Aguisín D) i gceart chun an méid sin a léiriú.

Maidir le scoil aonair nach bhfuil ag cruthú braisle le haon scoil eile, féadfaidh sí freisin a lá scaoilte príomhoide (cúig huairé an chloig) a chomhcheangal lena huairéanta an chloig do Mhúinteoirí Oideachais Speisialta chun post a chruthú. Ba cheart do scoileanna den sórt sin foirm Aguisín D a chomhlánú agus a chur isteach freisin.

### **Braisliú Uaireanta an Chloig do Mhúinteoirí Oideachais Speisialta atá faoi stiúir na Roinne**

Ag teacht sna sála ar an bpróiseas atá faoi stiúir na scoile le haghaidh uaireanta an chloig do Mhúinteoirí Oideachais Speisialta a bhraisliú, tionscnófar próiseas braisliúcháin a bheidh faoi stiúir na Roinne tar éis an 29 Feabhra 2024 i gcás aon uaireanta an chloig atá fágtha i scoileanna nár braislíodh.

Meabhraítear do scoileanna gurb amhlaidh, a luaithe atá braisle Múinteoirí Oideachais Speisialta bunaithe, a fhanfaidh sí i bhfeidhm go dtí an chéad nuashonrú eile ar an tsamhail um Múinteoirí Oideachais Speisialta a leithdháileadh.

### **Stádas na bPost mar Mhúinteoirí Oideachais Speisialta**

Is poist bhuana iad na poist lánaimseartha uile mar Mhúinteoirí Oideachais Speisialta (lena n-áirítear iad sin a chruthaítear trí uaireanta an chloig do Mhúinteoirí Oideachais Speisialta agus uaireanta an Chloig do Scaoileadh Príomhoide a chomhcheangal) agus ba cheart iad a líonadh de réir na socrúithe ath-implonúcháin.

Maidir le huairéanta an chloig do phoist pháirtaimseartha atá fágtha i scoil agus nach bhfuil braislithe isteach ina bpoist lánaimseartha, ní fhéadfar iad a líonadh ach amháin i gcáil shealadach.



## **Scoileanna cónasctha agus nuabhunaithe a osclófar don scoilbhliain 2024/25**

Maidir le scoileanna atá nuabhunaithe nó nuachónasctha sa scoilbhliain 2024/25, is é CNOS/an Rannóg Oideachais Speisialta den Roinn a ríomhfaidh a leithdháileadh Oideachais Speisialta.

### **1.6 Leithdháiltí Breise do Scoileanna a bhfuil Líon Mór Daltaí óna dteastaíonn Tacaíocht Teanga (BTB) acu**

Soláthraíonn an leithdháileadh um Theagasc Oideachais Speisialta (TOS) leithdháileadh comhaontaithe do riachtanais oideachais speisialta do gach scoil bunaithe ar a próifíl oideachais. Cuimsíonn leithdháileadh TOS gné de leithdháileadh tacaíochta teanga freisin. Faoin múnla TOS seo, tá acmhainní ar fáil do scoileanna chun tacaíocht a sholáthair láithreach do na daltaí sin a bhfuil sé de dhíth orthu gan mhoill. Mar sin ba chóir do scoileanna tarraingt as a leithdháileadh TOS chun tacú le daltaí, a aithníodh mar dhaltaí a bhfuil tacaíocht teanga de dhíth orthu trí phróisis mheasúnaithe na scoile.

Tá ról ag múinteoirí ranga príomhshrutha agus aon mhúinteoirí tacaíochta teanga breise maidir le riachtanais foghlama teanga na bpáistí a bhfuil an Béarla mar Theanga Breise (BTB) acu a chur chun cinn. Tá dhá scil teanga ar leith i gceist leis na riachtanais teanga seo:

- a. **Bunscileanna Cumarsáide agus Idirphearsanta**  
Is fearr a shealbhaíonn leanaí agus daoine óga atá ag foghlaim BTB le haghaidh idirghníomhaíochtaí sóisialta laethúla trí thumadh i dteanga na scoile agus sa timpeallacht níos leithne. Tugtar Bunscileanna Cumarsáide agus Idirphearsanta nó BCI ar an gcineál teanga seo. Tá sé tábhachtach go bhfaigheann gach dalta deiseanna dea-phleanáilte chun na scileanna Béarla seo a fhorbairt i seomraí ranga príomhshrutha le píaraí i dtimpeallacht thumoideachais scafláite.
- b. **Inniúlacht Teanga Acadúil Chognaíoch**  
Tagraíonn Inniúlacht Teanga Acadúil Chognaíoch (ITAC) do na scileanna agus na cumais teanga sin a theastaíonn chun coincheapa agus smaointe curaclaim a thuiscint agus a chur in iúl. Teastaíonn straitéisí teagaisc agus foghlama sainoiriúnaithe agus sofhreagrach do na scileanna seo.



Ról an mhúinteora ranga:

Is é an múinteoir ranga atá freagrach go príomha as oideachas gach dalta ina ranganna. Dá réir sin, ba chóir dóibh a chinntiú go n-ullmhaíonn siad a gceachtanna go cúramach chun díriú ar na riachtanais teanga éagsúla laistigh den seomra ranga. Ba chóir machnamh a dhéanamh ar riachtanais teanga na ndaltaí chun tacú lena rannpháirtíocht iomlán sa seomra ranga (nó riachtanais BSI) chomh maith leis an ngá atá le struchtúr cuí a chur ar eispéiris foghlama chun tacú le tuiscint na ndaltaí ar choincheapa curaclaim (ITAC).

Ról an mhúinteora tacaíochta teanga BTB:

Soláthraíonn múinteoirí tacaíochta teanga BTB tacaíocht agus treisiú d'fhoghlaim teanga an dalta i suíomhanna príomhshrutha, trí chur chuige teagaisc foirne nó trí cheachtanna tacaíochta, más gá. D'fhéadfadh sé go dtacódh siad le BCI/ ITAC an dalta ag brath ar dhul chun cinn agus riachtanas na teanga ar an iomlán. Féadfaidh tréimhsí fócais níos giorra a bheith i gceist leis seo, BSI agus ITAC go príomha, chomh maith le tréimhsí níos faide ar fhorbairt ITAC go háirithe i bhfianaise a riachtanaí atá sé do rochtain agus do thuiscint fhorleathan ar an gcuraclam.

### **Tumoideachas**

Tá rogha ag bunscoileanna lán-Ghaeilge lasmuigh den Ghaeltacht tréimhse luath-thumoideachais iomlán a chur i bhfeidhm suas go deireadh na naíonán sinsearach. I gcás scoileanna Gaeltachta, tá gá le tréimhse de luath-thumoideachas iomlán suas go deireadh na naíonán sinsearach. Is trí mheán na Gaeilge amháin a dhéantar an teagasc i suíomhanna tumoideachais iomlán. Ba chóir go mbeadh teagasc ó mhúinteoirí tacaíochta teanga ag teacht leis an gcleachtas seo.

### **An Próiseas Iarratais:**

Ba cheart do scoileanna ag a bhfuil daltaí a bhfuil riachtanais tacaíochta teanga acu Foirm Prim – Tacaíocht Teanga 2024/25 a chomhlánú chun iarratas a dhéanamh ar thacaíocht teanga. Ba cheart foirmeacha comhlánaithe a sheoladh ar ais chuig [primarystaffingappeals@education.gov.ie](mailto:primarystaffingappeals@education.gov.ie) faoin Déardaoin, 29 Feabhra 2024.

### **An Próiseas Achomhairc:**

Mura bhfuil údarás scoile sásta leis an gcinneadh ón Roinn ar an iarratas uaidh ar thacaíocht teanga, féadfar achomharc a chur isteach ar Aguisín F(D) chuig na Boird Achomhairc um Sholáthar Foirne Bunscoile

Ós rud é go mbaineann an critéar seo le próiseas iarratais tosaigh, ní fhéadfaidh an Bord Achomhairc achomhairc a bhreithniú faoin gcritéar seo ach amháin ag cruinnithe an Bhoird Achomhairc i mí an Mheithimh agus i mí Dheireadh Fómhair.



Féach Cuid 4 le haghaidh sonraí faoin gcritéar achomhairc atá ann maidir le po(i)st sealadach(a) breise tacaíochta teanga a sholáthraítear bunaithe ar achomhairc chuig an mBord Achomhairc um Sholáthar Foirne Bunscoile.

### **1.7 Painéil um Sholáthar Múinteoirí**

Leanfar ar aghaidh leis na Painéil um Sholáthar Múinteoirí don scoilbhliain 2024/25. Déanfar athbhreithniú ar an leibhéal reatha post ag deireadh na scoilbhliana bunaithe ar an leibhéal reatha úsáide. Tabharfadh fógra faoi seo do scoileanna níos déanaí sa bhliain.

### **1.8 Poist mar Phríomhoide le Tráth Scaoilte**

Beidh 37 lá scaoilte ag gach scoil le príomhoide teagaisc sa scoilbhliain 2024/25. Beidh 4 lá scaoilte breise ag scoileanna a bhfuil rang speisialta amháin acu sa scoilbhliain 2024/25.

Tiocfaidh gach ceann de na Braislí Laethanta Scaoilte Príomhoide atá i bhfeidhm chun deiridh ag deireadh na scoilbhliana 2023/24. Féadfaidh scoileanna a Laethanta Scaoilte Príomhoide a bhraisliú isteach ina bPoist Ama Scaoilte Príomhoide lánaimseartha don scoilbhliain 2024/25. Tá an fhoirm iarratais ar Phoist Ama Scaoilte Príomhoide ar fáil ar shuíomh Gréasáin na Roinne. Meabhraítear do scoileanna gur poist téarma shocraithe iad Poist Ama Scaoilte Príomhoide agus nach mór iad a líonadh de réir na socruithe ath-implonúcháin.

Tabhair faoi deara go bhféadfaidh scoileanna a n-uaireanta an chloig do Mhúinteoirí Oideachais Speisialta agus a n-uaireanta an chloig do Scaoileadh Príomhoide a chomhcheangal chun post lánaimseartha mar Mhúinteoir Oideachais Speisialta a chruthú. Féach Rannán 1.5 chun mionsonraí a fháil.



## Cuid 2

### Sonraí cúlra faoi na Socruithe Soláthar Foirne don scoilbhliain 2024/25

#### 2.1 Folúntais Teagaisc

Nuair a fhoilsítear an sceideal foirne bliantúil ar láithreán gréasáin na Roinne, tá sé de dhualgas ar an scoil aon fholúntais atá ag teacht chun cinn a eascraíonn as cur i bhfeidhm an sceidil foirne don scoilbhliain atá le teacht a chur in iúl, tríd an ríomhphost. Ní mór an fógra sin a thabhairt don Oibreoir Painéil roimh 29 Feabhra 2024.

Ní mór fógra a thabhairt don Oibreoir Painéil agus a chur ar an bhFoirm Pleanála Foirne maidir le gach folúntas buan, folúntais sainchuspóra agus folúntais ar théarma seasta a mhairfidh feadh na scoilbhliana iomláine nó a cheadaítear ar an gcéad lá oibre de Shamhain nó roimhe sin agus a mhairfidh ar feadh na coda eile den scoilbhliain.

Tá sé de dhualgas ar an scoil freisin a chur in iúl don Oibreoir Painéil agus don Rannóg um Leithdháileadh Bunscoile maidir le folúntais den chineál sin a thagann chun cinn tar éis dáta an fhógra. Ní mór é sin a dhéanamh laistigh de 5 lá oibre tar éis don scoil eolas a fháil faoin bhfolúntas.

#### 2.2 Fógra faoi Fholúntais

Ní mór do gach scoil a gcuid folúntas a chur in iúl dá nOibreoir Painéil agus do Leithdháiltí Bunmhúinteoirí, mar atá leagtha amach thuas. Sa chás go dtugann scoil fógra don Oibreoir Painéil agus don Rannóg um Leithdháileadh Bunscoile faoi phost/faoi phoist lasmuigh de na tréimhsí ama atá leagtha amach thuas, beidh ar an scoil an post/na poist a thairiscint láithreach do mhúinteoirí ar an bpainéal. Seachas sin, beidh cosc ar an scoil an post/na poist sin a líonadh go dtí go gcomhlíontar oibleagáid na scoile ar na painéil ath-implonaithe.

Sa chás go gceapfar Oifigeach Painéil, déanfaidh sé/sí, ar an gcéad dul síos, teagmháil le haon scoil ar theip uirthi folúntas a chur in iúl laistigh den tréimhse ama riachtanach, d'fhonn líonadh an fholúntais a shocrú trí mhúinteoir a ath-implonú.





### **2.3 Socruithe Ath-implonaithe**

Tugaidís na scoileanna faoi deara le linn an príomhphainéal a bheith i bhfeidhm, nach féidir buanfolúntais teagaisc ná folúntais teagaisc ar théarma seasta a líonadh ach amháin ón bpríomhphainéal ath-implonaithe iomchuí.

Níl cead ag Boird Bhainistíochta/BOO tús a chur le próiseas earcaíochta chun buanfolúntas teagaisc nó folúntas teagaisc ar théarma seasta a líonadh ar aon bhealach eile go dtí go mbeidh an Roinn sásta nach bhfuil aon phoist fholmha ag teastáil chun aon bhuanmhúinteoirí/ mhúinteoirí CID breise ar an bpríomhphainéal a ath-implonú.

Braithfidh uainiú líonadh na bhfolúntas teagaisc ar aon bhealach eile ar cé chomh tapa agus a ath-implonófar buanmhúinteoirí/múinteoirí le CID i bhfolúntais. Foilseoidh an Roinn nuashonruithe rialta painéil ar a láithreán gréasáin, rud a chuirfidh scoileanna agus múinteoirí ar an eolas faoin dul chun cinn atá á dhéanamh ar an bpróiseas ath-implonaithe buanmhúinteoirí/múinteoirí CID.

### **2.4 Feabhsaithe ar an bpróiseas le buanfolúntas a líonadh tríd an bPríomh-Phainéal Ath-implonaithe**

Is féidir le scoileanna úsáid a bhaint anois as láithreán gréasáin, i.e. [educationposts.ie](http://educationposts.ie) nó [staffroom.ie](http://staffroom.ie) mar bhealach teagmhála leis an bPríomhphainéal Ath-implonaithe. Is féidir leis an scoil é seo a dhéanamh trí úsáid a bhaint as an láithreán gréasáin le cuireadh a thabhairt do mhúinteoirí ar an bPríomh-Phainéal Ath-implonaithe iomchuí chun spéis a léiriú i mbuanphost. Féach an cháipéis CC maidir le Socruithe Ath-implonaithe do Bhuanmhúinteoirí Buana agus Múinteoirí le CID – C 6.3.2.

Is amhlaidh fós áfach go gcaithfear gach múinteoir ar an bpríomhphainéal a ath-implonú sula gceadaítear fuílleach na mbuanphost a líonadh ar aon bhealach eile nó chun folúntais mhúinteoireachta téarma seasta a líonadh.

### **2.5 Ceapacháin chuig post an Leas-Phríomhoide**

Déantar foráil i gCiorclán 0044/2019 “Earcú/Ardú Céime agus Ceannaireacht do Mhúinteoirí Cláraithe i mBunscoileanna Aitheanta” do cheapacháin i bPoist Príomhoidí Tánaisteacha trí chomórtas oscailte do gach scoil sa scoilbhliain 2024/25. Ba cheart do scoileanna a bhfuil folúntais acu do Phríomhoidí Tánaisteacha don scoilbhliain 2024/25 an post a fhógairt a luaithe agus a



bheidh an scoil ar an eolas faoin bpost. Má dhéantar an Príomhoide Tánaisteach a cheapadh ó laistigh den fhoireann scoile atá ann faoi láthair, ní mór an folúntas a thagann chun cinn dá bharr sin a líonadh trí na socruithe ath-implonaithe atá foilsithe. Má dhéantar an folúntas do Phríomhoide Tánaisteach a líonadh trí cheapachán seachtrach, ní thiocfaidh aon fholúntas chun cinn don Phainéal.

## **2.6 CIDí faoi théarmaí Chiorcláin 0023/2015**

### **2.6.1 Múinteoirí a fuair CID don scoilbhliain 2023/24 nó roimhe sin**

Ní mór do scoil “Foirm Dhearbhaithe CID 24” (Aguisín G) a chomhlánú agus a chur ar ais chuig An Rannóg Leithdháiltí Bunmhúinteoirí 29 Feabhra 2024 nó roimhe sin le haghaidh gach múinteoir le CID (a bronnadh faoi théarmaí Chuid A1 nó A2 de Chiorclán 0023/2015 don scoilbhliain 2023/24 nó roimhe sin.

Ba chóir go dtabharfadh na scoileanna faoi deara go bhfanann an sealbhóir CID ina scoil féin chomh fada agus a bhíonn folúntas ann, bíodh sé buan nó ar théarma seasta a bhíonn ar fáil dó/di sa scoil.

Sa chás nach mbíonn post ar bith ar fáil, agus gurb é an sealbhóir CID an múinteoir breise buan/le CID is sóisearaí sa scoil, ba cheart go gcomhlíonfaí agus go seolfaí air ais Foirm Iarratais Phríomh-Phainéil chuig an Roinn.

### **2.6.2 Múinteoirí a bhfuil CID le bronnadh orthú ó thosach feidhme na scoilbhliana 2024/25**

Ní mór do scoileanna iarratas a dhéanamh ar cheadú na Roinne do bhronnadh CID i ndáil le múinteoir a mheastar bheith incháilithe do bhronnadh CID leo sa chéad uair nó CID d'uireanta breise ó thús na scoilbhliana 2024/25. Is i gCiorclán 0023/2015 na riachtanais incháilitheachta do CID.

Ba cheart go dtabharfadh scoileanna faoi deara go bhfuil sé ceadaithe post buan a úsáid atá ar fáil sa scoil ón 1 Meán Fómhair 2024 mar an post inmharthana a theastaíonn don chonradh tréimhse éiginnte.

Is féidir iarratas a dhéanamh ar Aguisín H - Fhoirm CIDApp (24/25).

Seoltar foirmeacha comhlánaithe chuig Rannóg Leithdháiltí Bunmhúinteoirí na Roinne faoin 29 Feabhra 2024.



## 2.7 Post Formheasta Sealadach a Líonadh

Leithdháilfear poist do scoileanna ar bhonn sealadach, agus ní dheimhneofar iad don scoilbhliain 2024/25 go dtí go ndeimhneoidh an scoil go bhfuil an rollú réamh-mheasta don 30 Méan Fómhair 2024 bainte amach acu. Is iad na poist sin:

- post buan príomhshrutha maidir le rollú réamh-mheasta
- post buan príomhshrutha atá ceadaithe ar bhonn sealadach faoin bpróiseas achomharc maidir le soláthar foirne

Ní féidir na poist buan thuasluaite a líonadh ar bhonn buan ó 1 Meán Fómhair 2024 ach amháin sa chás go líonann buanmhúinteoir /múinteoir CID sa scoil atá i ndán ath-implonaithe tríd an bPríomhphainéal ach atá á choinneáil i gceann de na poist thuas. Sa chás nach mbaintear mach an rollú a mbeidh gá, eis, cuirfear an múinteoir ar ais ar an bPríomhphainéal.

Seachas sin ní bheidh cead ag scoileanna a thugtar faomhadh sealadach dóibh do ceann amháin de na poist mhúinteoireachta thuas na poist seo a líonadh ach amháin ar bhonn sealadach suas go dtí Dé hAoine 25 Deireadh Fómhair 2024.

Tabharfaidh an Roinn eolas don/do na scoil(eanna) lena mbaineann a luaithe is féidir i mí Dheireadh Fómhair an dteastaíonn an folúntas sin chun ath-implonú buanmhúinteora/múinteora CID breise a éascú. Má tá an post ag teastáil le haghaidh buanmhúinteoir/múinteoir CID breise a ath-implonú, ní mór scor den chonradh téarma sheasta an 25 Deireadh Fómhair 2024. Tá sé tábhachtach go léirítear na socrúithe sin sa chonradh le haghaidh an phoist ar théarma seasta.

Mura bhfuil an post ag teastáil le haghaidh buanmhúinteora breise a ath-implonú, féadfar é a líonadh ag an bpointe sin mar seo a leanas:

- Nuair a fhanann múinteoirí ar an bPainéal Forlíontach laistigh de limistéar painéil na scoile, ní mór an t-oide a cheapadh ón bPainéal Forlíontach faoi gcéad lá oibre de mhí na Samhna.
- Nuair atá an Painéal Forlíontach laistigh de limistéar painéil na scoile folamh, tabharfar cead don scoil leanúint ar aghaidh chuig fógraíocht oscailte.
- Is é an dáta deiridh le buanphost a líonadh ar bhonn buan ná 4 Samhain 2024. Ina dhiaidh sin ní féidir post buan a líonadh ach ar bhonn téarma seasta amháin, ach amháin más buanmhúinteoir/múinteoir CID ón bPríomhphainéal an duine ceaptha.



Tá sé tábhachtach a thabhairt faoi deara nach féidir le scoileanna tús a chur leis an bpróiseas fógraíochta agus earcaíochta do na folúntais sin go dtí go mbeidh sé ceadaithe ag an Roinn sin a dhéanamh.

Ní bhaineann na socruithe sin le poist mar Phríomhoide, a leanfar á líonadh ar an ngnáthbhealach ar bhonn buan.

## 2.8 Rolluithe Bailí

Déantar an líon múinteoirí ranga príomhshrutha is cuí do scoil don scoilbhliain 2024/25 a chinneadh trí thagairt do rollú bailí na scoile an 30 Meán Fómhair 2023. Tá an sceideal rollaithe daltaí a theastaíonn do cheapadh agus do choinneáil múinteoirí ranga príomhshrutha don scoilbhliain 2024/25 faoi iamh in Aguisín A.

Ní féidir ach daltaí a iontráladh go bailí ar an rolla an 30 Meán Fómhair 2023 a chur san áireamh chun críche líon foirne a chinneadh. Chuige sin is amhlaidh a chaithfear cloí i dtéarmaí Chirocláin na Roinne 24/02 - Cinneadh Rollú Bailí i mBun- Scoileanna - agus 32/03 – Coinneáil Daltaí i mBunscoileanna. Meabhraítear do scoileanna nár chóir ligean do leanbh freastal ar bhunscoil ná bheith rollaithe i mbunscoil go dtí go mbainfidh sé/sí ceithre bliana amach.

Níor chóir daltaí a choinnítear ar an gclár scoile an 30 Meán Fómhair chun críche an tAcht Oideachais agus Leasa, 2000, a chomhlíonadh, a chomhaireamh le haghaidh rollú bailí d'fhonn an líon foirne a chinneadh.

Tá sé tábhachtach a thabhairt faoi deara nach gcuimsíonn rolluithe bailí ach na daltaí sin atá rollaithe an 30 Meán Fómhair agus a bhfuiltear ag súil leis ag an bpointe sin go mbeidh siad fós rollaithe sa scoil ar feadh na scoilbhliana. Má tá aon rolluithe gearrthéarmacha sa scoil (lena n-áirítear daltaí ó thír eile atá rollaithe go sealadach chun a gcaighdeán Béarla a fheabhsú nó nuair is eol go n-aistreoidh na daltaí chuig scoil eile tamall gairid tar éis 30 Meán Fómhair), ní féidir na daltaí sin a chur san áireamh sa tuairisc rollaithe ón scoil.

Maidir leis na scoileanna sin ina bhfuil ranganna speisialta, is é rollú foriomlán na scoile (daltaí i ranganna speisialta agus daltaí i ranganna príomhshrutha) a chinneann líon na múinteoirí príomhshrutha sa scoil. Tá sé mar aidhm leis sin tacú le daltaí ó ranganna speisialta a chuimsiú sna ranganna príomhshrutha, de réir mar is cuí. Ar leithligh, déanann an Chomhairle Náisiúnta um Oideachas Speisialta ranganna speisialta a leithdháileadh mar acmhainní teagaisc.

Meabhraítear do Bhoird Bhainistíochta/BOO agus do Phríomhoidí an tábhacht a bhaineann le beachtas tuairisceán rollaithe don Roinn a chinntiú. Tá freagracht orthu as an Roinn a chur ar an eolas láithreach faoi aon earráid nó aon



mhírialtacht ina dtuairisceáin rollaithe. Is é gnáthbheartas na Roinne maidir le cásanna ina ndéantar rolluithe a rólua d'aonghnó ná iad a chur ar aghaidh chuig An Garda Síochána.



## Cuid 3

### Socruithe Ath-implonaithe don scoilbhliain 2024/25

Tá na socruithe ath-implonaithe mionsonraithe leagtha amach i bhformáid Ceisteanna Coitianta ar láithreán gréasáin na Roinne.

Áirítear leis na socruithe ath-implonaithe na nithe seo a leanas:

#### 3.1 Próiseas ath-implonaithe do bhuanmhúinteoirí/do mhúinteoirí CID

- (i) Cruthaítear gach príomhphainéal do mhúinteoirí breise buana/í seilbh CID chun a chinntiú go dtairgtear folúntais sa chéad dul síos leis na múinteoirí úd.

Tá sé beartaithe go bhfoilseofar na príomhphainéil tar éis na Cásca. Is é an data faoina gcaitheann a bhfolúntais a bheith líonta ag scoileanna ón bpríomhphainéal, agus tabharfar comhairle chuige sin dóibh ag an tráth sin. Ina dhiaidh sin, ceapfar Oifigigh Phainéil chun ath-implonú aon bhuanmhúinteoirí/múinteoirí CID breise a éascú.

- (ii) Ní mór folúntais teagaisc a thairiscint laistigh de thréimhse seo do bhuanmhúinteoirí/do mhúinteoirí CID ar phríomhphainéal san ord tosaíochta seo a leanas:

- a. Buanfholúntais laistigh de limistéar an phainéil (m.sh. deoise)
- b. Folúntais sainchuspóra agus folúntais ar théarma seasta laistigh de limistéar an phainéil (m.sh. deoise) a mhaireann tréimhse na scoilbhliana iomláine nó a cheadaítear an chéad lá oibre de mhí na Samhna nó roimhe sin agus ar don tréimhse den scoilbhliain atá fágtha iad.  
I gcásanna mar a ath-implonáíodh múinteoir chuig folúntas sealadach i scoil chomharsanach, agus go dtagann post buan aníos laistigh de limistéar painéil an mhúinteora ina dhiaidh sin, forchoimeádan an Roinn an ceart aici féin an múinteoir a ath-implonú sa phost buan.

- (iii) Féadfaidh buanmhúinteoirí/múinteoirí CID breise a roghnú post a ghlacadh lasmuigh den gha 45 km agus féadfaidh sé sin cuidiú le laghdú a dhéanamh ar an ngá le feidhmiú na socruithe teagmhasacha atá leagtha amach ag Uimh. 2 agus ag Uimh. 3 thíos.



### 3.2 Ath-implonú idirdheoiseach

Sa chás nach ndéanann na socrúithe atá leagtha amach thuas ath-implonú ar na buanmhúinteoirí/na múinteoirí CID breis uile ar phainéal deoise, ní mór na poist uile a fhanann folamh i scoileanna i ndeoisí tadhlaacha a bheith ar fáil do na múinteoirí sin, agus tá líonadh an phoist/na bpost sin le baint amach trí chomhoibriú idirdheoiseach arbhonn téarma seasta.

### 3.3 Socrúithe ath-implonnaithe d'aon bhuanmhúinteoirí/ mhúinteoirí CID breise atá fágtha

Más rud é, i ndiaidh na bpróiseas atá leagtha amach thuas, go bhfuil aon bhuanmhúinteoirí/mhúinteoirí CID le cois fágtha, beidh gá le socrúithe breise chun a n-ath-implonú i bhfolúntais i scoileanna a éascú.

Ní úsáidfeadh na socrúithe breise sin ach amháin sna cásanna sin nach bhfuil aon rogha inmharthana eile ann d'ath-implonú na mbuanmhúinteoirí/na múinteoirí CID le cois atá fágtha. Cinnfeadh na socrúithe beachta atá le húsáid ar bhonn cáis ach dul i mbun plé leis na comhpháirtithe oideachais cuí agus leis an bPátrún ábhartha. Úsáidfeadh na prionsabail seo a leanas d'fheidhmiú na socrúithe sin:

- (i) Ar an gcéad dul síos, scrúdófar an staid maidir le cé acu is féidir nó nach féidir solúbthacht ar bith i gComhaontú Bhóthar Haddington 2014-2016 maidir leis an nga 45km d'ath-implonú a chur i bhfeidhm go cuí chun ath-implonú an bhuanmhúinteora/an mhúinteora CID breise a bhaint amach chuig scoil den chineál céanna pátrúnachta.
- (ii) Ar an dara dul síos, scrúdófar an scóp le hath-implonú an bhuanmhúinteora /an mhúinteora CID le cois a bhaint amach ar bhonn roghnach trí iarratas á dhéanamh ag an múinteoir le bheith curtha ar phainéal de phátrúnacht éagsúil. Fágfar é faoin bpátrún ábhartha cead a thabhairt don iarratas sin.
- (iii) Mura bhfuil aon rogha inmharthana eile ar fáil ansin, déanfar sannadh sealadach chuig folúntas i scoil de chineál éagsúil pátrúnachta. Mairfidh an sannadh sealadach seo ar feadh na scoilbhliana ábhartha. Coinneoidh aon mhúinteoir ar shannadh sealadach ar an mbealach sin na cearta painéil atá aige/aici cheana don phainéal ath-implonnaithe ábhartha dá scoil bhunáite. Ní bhfaighidh múinteoirí dá leithéid cearta painéil i leith an phainéil ath-implonnaithe a bhaineann leis an scoil ina bhfuil an sannadh sealadach. Beidh ar na múinteoirí sin cloí le riachtanais an Bhoird Bhainistíochta/BOO maidir leis an dualgas atá air éiteas na scoile a choinneáil, comhsheasmhach leis an dlí.



Is é an cur chuige a bheidh ag an Roinn maidir le feidhmiú na socrúithe fágtha atá leagtha amach ná comhaontú a lorg d'aonghuth. Chuige sin, beidh comhairliúchán leanúnach ar siúl leis na geallsealbhóirí cuí maidir le feidhmiú an phróisis ath-implonaithe.





## Cuid 4

### An Bord Achomhairc um Sholáthar Foirne ag an mBunleibhéal

#### 4.1 Socruithe don scoilbhliain 2024/25

Déanfaidh an Bord Achomhairc um Sholáthar Foirne ag an mBunleibhéal, a fheidhmíonn neamhspleách ón Aire agus ón Roinn, achomhairc don scoilbhliain 2024/25 a athbhreithniú. Tá na critéir achomhairc leagtha amach faoi phointe 4 thíos.

An chéad chruinniú de Bhord Achomhairc um Sholáthar Foirne ag an mBunleibhéal chun dul i ngleic leis an scoilbhliain 2024/25; réachtálfar i mhí Márta na bliana é. Tionólfar cruinnithe eile i mí Meitheamh agus í mí Dheireadh Fómhair 2024.

Is é 29 Feabhra 2024 an spriocdháta d'achomhairc sholáthar foirne a chur isteach don chéad chruinniú de chuid an Bhoird Achomhairc um Sholáthar Foirne ag an mBunleibhéal.

Postálfar na dátaí deiridh le haghaidh achomhairc sholáthar foirne a chur isteach agus dátaí do chruinnithe amach anseo ar shuíomh Gréasáin na Roinne in am trátha.

Tabhair faoi deara go gcloífead go docht le spriocdhátaí, agus dá réir sin, ní bhreithneoidh an Bord ag an gcruinniú sin achomhairc a fhaightear tar éis spriocdháta ar leith.

Ní mór achomhairc a chur chuig an Rannóg Leithdháiltí Bunmhúinteoirí, an Roinn Oideachais, Corr na Madadh, Baile Átha Luain, Co. na hIarmhí, ar an bhfoirm iarratais chaighdeánach, lena luaitear go soiléir an critéar faoina bhfuil an t-achomhairc á dhéanamh. Cuir “Achomhairc Sholáthar Foirne” ar an gclúdach.

Tá an fhoirm iarratais chaighdeánach ar fáil in Aguisín F (a – g).

Cuirfear stádas DEIS na scoile san áireamh in aon iarratas achomhairc.

#### 4.2 Ombudsman

I bhfianaise na leasuithe ar an Acht Ombudsman 2012, aon scoil a mheasann nár chuir an Bord Achomhairc um Sholáthar Foirne ag an mBunleibhéal na



critéir achomhairc i bhfeidhm go cóir san achomharc, féadfaidh sí gearán a chur faoi bhráid an Ombudsman.

Is é ról an Ombudsman i ndáil le hachomharc ar bith ná athbhreithniú a dhéanamh ar cé acu a dhéileáil nó nár dhéileáil an Bord Achomhairc leis go cóir agus de réir na gcritéar achomhairc. Ní áit é do scoileanna le breis acmhainní a lorg, mar sin.

Is féidir teagmháil a dhéanamh le hOifig an Ombudsman ag [www.ombudsman.gov.ie](http://www.ombudsman.gov.ie)

### **4.3 Ní cheadaítear do Bhord Bainistíochta/ETB ach achomharc amháin a dhéanamh i gcás ar leith**

Measfar gur cinneadh deiridh é breithiúnas an Bhoird Achomhairc maidir leis an bpost (na poist) agus ní bhreithneofar aon iarratais bhreise chuig an mBord Achomhairc i dtaca leis an scoilbhliain 2024/25 ach sa chás gur tháinig athrú ar chúinsí na scoile, m.sh. rolluithe breise.

### **4.4 Critéir Achomharc**

Féadfaidh an Bord Achomhairc a chinneadh go bhfuil sé riachtanach imeacht ón sceideal soláthar foirne sna cúinsí a bhfuil cur síos orthu i bpointí (a) go (g) thíos:

#### **A. Deacracht cóiríochta eisceachtúil**

I gcás go bhfuil an Bord Achomharc sásta go mbainfear amach an líon daltaí atá riachtanach i mí Mheán Fómhair 2024 agus, mura ndéanfaí post seomra ranga sa bhreis a leithdháileadh, go mbeadh deacracht cóiríochta eisceachtúil ag an scoil.

#### **B. Rollú Dheireadh Fómhair 2023**

Sa chás go bhfuil an Bord Achomhairc sásta, ar bhonn fianaise infhíoraithe, go raibh an líon riachtanach daltaí rollaithe i mí Mheán Fómhair\* nó i mí Dheireadh Fómhair 2023, ach de bharr cúinsí nach raibh neart ag an scoil orthu, ní raibh siad cláraithe an 30 Meán Fómhair 2023. Mar sin féin, chun críocha soláthar foirne, ní féidir dalta a bheith san áireamh ach i rollú scoile amháin in aon scoilbhliain amháin\*\*.



\*Ní bheidh dalta a fhágann an scoil roimh an 30 Meán Fómhair agus nach bhfilléann ar an scoil sa scoilbhliain incháilithe lena bhreithniú faoin gcritéar sin.

\*\* Sa chás gur féidir leis an scoil ina raibh an dalta rollaithe an 30 Meán Fómhair a fhíorú nár ghá an dalta a chomhaireamh i leith múinteoir a cheapadh nó a choinneáil sa scoil sin, breithneoidh an Bord Achomhairc cead a thabhairt chun an dalta a chomhaireamh mar chuid den rollú chun críocha soláthar foirne sa scoil ar aistrigh sé/sí chuici.

### **C. Post Rollaithe Réamh-Mheasta atá bunaithe ar rolluithe breise tar éis an 30 Meán Fómhair 2024**

Ní bhaineann an critéar seo ach leis na scoileanna sin a fuair ceadú sealadach do pho(i)st rollaithe réamh-mheasta, nár shroich dóthain rolluithe an 30 Meán Fómhair 2024 chun an post a choinneáil. Ó tharla go mbaineann an critéar sin le fíorú ar rollú iarbhír an 30 Meán Fómhair 2024, ní féidir leis an mBord Achomhairc achomhairc faoin gcritéar sin a bhreithniú ach amháin ag cruinniú an Bhoird Achomhairc do mhí Dheireadh Fómhair.

Nuair a mheasann an Bord, maidir le bronnadh poist faoi na critéir post rollaithe réamh-mheasta, go raibh an líon daltaí réamh-mheasta a theastaigh leis an bpost a choinneáil rollaithe nó ar dhócha go mbeidh siad rollaithe faoin lá deiridh den téarma i mí na Nollag 2024, ach de bharr cúinsí nach raibh neart ag an scoil orthu, nár rolladh iad mar a rabhthas ag súil leis an 30 Meán Fómhair 2024. Na foirmeacha rollaithe/litreacha ó thuismitheoirí ag deimhniú an dáta do rollú ionchasach na ndaltaí; caithfear iad a sholáthar leis an achomharc.

Ceadófar post arna leithdháileadh ag an mBord Achomhairc faoin gcritéar seo ar bhonn sealadach faoi réir ag dearbhú go bhfuil an rollú riachtanach a bheith bainte amach faoin lá deiridh den téarma i mí na Nollag 2024. Mar atá le Critéar B, ní féidir dalta a bheith san áireamh ach i rollú scoile amháin in aon scoilbhliain amháin

Sa chás gur féidir leis an scoil ina raibh an dalta rollaithe an 30 Meán Fómhair 2024 a híorú nár ghá don dalta a chomhaireamh i leith múinteoir a cheapadh nó a choinneáil sa scoil sin, breithneoidh an Bord Achomhairc cead a thabhairt don dalta a chomhaireamh mar chuid den rollú chun críoch soláthar foirne sa scoil ar aistrigh sé/sí chuici. Sa chás nach raibh an dalta/na daltaí rollaithe i scoil éigin in Éirinn an 30 Meán Fómhair 2024, is amhlaidh a chaithfear litir ó na thuismitheoirí ag deimhniú é sin a sholáthar leis an achomharc.



## D. Tacaíocht Teanga

Meabhraítear do scoileanna Foirm Prim – Tacaíocht Teanga 2024/25 a chomhlánú ar dtús i ndáil le hacmhainní tacaíochta teanga.

Féadfar leithdháileadh maidir le tacaíocht teanga a sholáthar do scoileanna bunaithe ar an eolas a chuirtear ar fáil i bhFoirm Prim- Tacaíocht Teanga 2024/25.

Mura bhfuil údarás scoile sásta leis an gcinneadh ón Roinn ar an iarratas uaidh ar thacaíocht teanga, féadfar achomharc a chur isteach ar Aguisín F(D) chuig na Boird Achomhairc um Sholáthar Foirne Bunscoile

Ós rud é go mbaineann an critéar seo le próiseas iarratais tosaigh, ní fhéadfaidh an Bord Achomhairc achomhairc a bhreithniú faoin gcritéar seo ach amháin ag cruinnithe an Bhoird Achomhairc i mí an Mheithimh agus i mí Dheireadh Fómhair.

Agus machnamh déanta aige ar na cúinsí atá leagtha amach ag an scoil, agus ag féachaint don líon ard daltaí a dteastaíonn tacaíocht teanga uathu, féadfar leithdháileadh breise a cheadú chun tacú le riachtanais oideachasúla daltaí dá leithéid. Agus leibhéal na tacaíochta EAL á bhreithniú sa scoil, breithneoidh an Bord Achomhairc na daltaí sa scoil le níos lú ná cumas B1 (Leibhéal 3) agus a fuair ní ba lú ná 3 bliana de thacaíocht EAL.

Ba chóir do scoileanna a thabhairt faoi deara go mbeidh cinntí a dhéanann an Bord bunaithe ar rolluithe réamh-mheasta daltaí EAL faoi réir athbhreithniú tar éis rollaithe an 30 Meán Fómhair 2024. Féadfar an cinneadh sin a leasú sa chás nach dtiocfaidh na rolluithe réamh-mheasta aníos.

Feidhmíonn an Bord Achomhairc go neamhspleách ar an Aire agus ar an Roinn. Is cinneadh deiridh cinneadh an Bhoird Achomhairc.

## E. Scoileanna beaga

Is leis na scoileanna beaganna a bhaineann an critéar achomhairc seo agus is féidir le scoil achomhairc a dhéanamh sna cúinsí seo a leanas:

1. Sa chás go ndéanann scoil a bhfuil ceathrar múinteoirí ranga nó níos lú aici agus a bhfuil post ranga á chailleadh aici don scoilbhliain 2024/25 fianaise a dtacaítear léi a thabhairt go dtiocfaidh méadú leordhóthanach ar rollú na scoile faoi 30 Meán Fómhair 2024 ar mhaithe leis an bpost a choinneáil don scoilbhliain ina dhiaidh sin (i.e. an scoilbhliain 2025/26), féadfaidh an Bord Achomhairc cead a thabhairt don scoil an post ranga príomshrutha (MCT) a choinneáil.



- Bíonn feidhm le tairseach 11 dalta do choinneáil an 2ú MCT reatha (i.e. P + 1).
- Beidh feidhm le tairseach 45 dalta do choinneáil an 3ú MCT reatha (i.e. P+2).
- Beidh feidhm le tairseach 75 dalta do choinneáil an 4ú MCT reatha (i.e. P + 3).

## Nó

2. Sa chás nach bhfuil scoil a bhfuil triúr múinteoirí ranga nó níos lú ag fáil poist seomra ranga príomhshrutha don scoilbhliain 2024/25 ach is féidir fianaise a thabhairt go méadófar an rollú a dhóthain faoi 30 Meán Fómhair 2024 chun is go gnóthóidh sí post seomra ranga breise don scoilbhliain ina dhiaidh sin (i.e. an scoilbhliain 2025/26), ag glacadh leis nach dtagann aon athrú ar an sceideal soláthar foirne, féadfaidh an Bord Achomhairc post breise a cheadú don scoil don scoilbhliain 2024/25.
  - Bíonn feidhm le tairseach 14 dalta do cheapadh an 2ú MCT (i.e. P+1).
  - Bíonn feidhm le tairseach 48 dalta do cheapadh an 3ú MCT (i.e. P+2).
  - Bíonn feidhm le tairseach 78 dalta do cheapadh an 4ú MCT (i.e. P+3).
  - Bíonn feidhm le tairseach 11 dalta do cheapadh an 2ú MCT (i.e. P+1) do scoileanna atá suite 8km nó níos mó ón scoil is cóngaraí leis an bpátrúnacht/teanga teagaisc chéanna.
  - Bíonn feidhm le tairseach 11 dalta do choinneáil an 2ú MCT reatha (i.e. P + 1) mar a mbeidh ar a laghad 6 ghrúpáil ranga á dteagasc sa scoil sa scoilbhliain 2024/25.

## F. Scoil atá ag cailleadh 3 phost nó níos mó

Má bhíonn scoil éigin ag cailleadh 3 phost bhuana nó níos mó, is féidir iarratas a dhéanamh leis an mBord Achomhairc Soláthar Foirne sa tsúil chun iarracht a dhéanamh cuid den chaillteanas i bpoist a iarchur go dtí an scoilbhliain 2025/26 ar an mbunús go bhfuil fíor-dhrochthionchar á imirt aige ar leithdháileadh iomlán scoile.

## G. Maolú a dhéanamh ar roinnt den bhrú ar mhéideanna ranga ag leibhéal náionán do scoileanna a chuireann go mór leis trí fhás déimeagrafach a ionsú

Tá na critéir achomhairc seo dírithe ar scoileanna nach bhfuil post teagaisc breise á fháil acu faoi na critéir do scoileanna post rollaithe réamh-mheasta ach, mar sin féin, a chuireann go mór le soláthar na n-áiteanna scoile, rud a chuidíonn leis an bhfreagairt d'fhás déimeagrafach laistigh dá limistéar



agus, mar thoradh air sin, atá faoi bhrú suntasach ar mhéid a ranganna ag leibhéal naíonán. Eochairtháscaire maidir leis na scoileanna sin is ea méadú suntasach ar rollú naíonán sóisearach.

Samhlaítear go mbeidh na scoileanna sin, de ghnáth, lonnaithe i limistéir ina bhfuil fás daonra suntasach. Sa chás go bhfuil scoil ag méadú líon na ranganna iontrála atá aici – rud a ghnífeadh sruth nua – ba chóir don scoil a thabhairt faoi deara nach mór di cead don mhéadú sin a fháil roimh ré ó Phátrún na Scoile agus ó Aonad Pleanála agus Tógála na Roinne.

Is féidir le scoileanna a chomhlíonann na ceithre chritéar atá sa liosta thíos achomharc a chur faoi bhráid an Bhoird Achomhairc le haghaidh post teagaisc bhreise don scoilbhliain 2024/25.

Is iad seo a leanas na ceithre chritéar a cheadóidh achomharc a chur isteach:

1. Tá an scoil ag réamh-mheas, ar bhonn réalaíoch, go mbeidh méadú ar a rolluithe foriomlána don 30 Meán Fómhair 2023 agus tá leibhéal an mhéadaithe atá réamh-mheasta:
  - a) leordhóthanach don scoil le post teagaisc bhreise a fháil don scoilbhliain 2025/26 (ag glacadh leis nach dtagann aon athrú ar an ceideal soláthar foirne)
  - b) neamhdhóthanach don scoil le post teagaisc bhreise a fháil don scoilbhliain 2024/25 ar fhorais an rollaithe réamh-mheasta
2. Bhí méadú ag an scoil ar a rolluithe foriomlána i ngach ceann den 2 scoilbhliain is déanaí (2023/24 agus 2022/23)
3. Chláraigh an scoil 30 naíonán sóisir ar an 30 Meán Fómhair 2022 agus tá líon na naíonán sóisir atá cláraithe tar éis dul i méid gach bliain ó shin i leith
4. Mar thoradh ar rollú méadaitheach na naíonán sóisearach, tá brú suntasach ar an scoil maidir le méideanna ranga ag leibhéal naíonán (naíonáin sóisearacha agus/nó naíonáin sinsearacha).

Déanfar gach iarratas chuig an mBord Achomhairc a mheas ar a fhiúntas. Déanfaidh an Bord Achomhairc measúnú an bhfuil an scoil, ina thuairim féin, ag baint úsáide as a múinteoirí seomra ranga príomhshrutha uile ar bhealach cuí. Tabharfaidh an Bord Achomhairc tús áite do na scoileanna sin atá, ina thuairim féin, faoin mbrú is mó maidir le méid a ranganna ag leibhéal naíonán mar thoradh ar líon méadaitheach na naíonán sóisearach ar a rolla. Déanfar post ar bith a dheonaíonn an Bord Achomhairc a leithdháileadh



ar bhonn sealadach go dtí go ndeimhnítear rolluithe iarbhír an 30 Meán Fómhair 2024.

#### **4.5 Beachtas na Faisnéise Rollaithe arna Cur faoi Bhráid an Bhoird Achomhairc um Sholáthar Foirne ag an mBunleibhéal mar Chuid d'Achomhairc**

Meabhraítear do Bhoird Bhainistíochta/BOO agus do Phríomhoidí an tábhacht a bhaineann le cinntiú chruinneas na faisnéise rollaithe a chuirtear faoi bhráid an Bhoird Achomhairc um Sholáthar Foirne ag an mBunleibhéal. Is é gnáthpholasaí na Roinne maidir le cásanna ina ndéantar rolluithe a rólua d'aonghnó chun críocha aon acmhainní breise a fháil ón Roinn ná na cásanna sin a chur ar aghaidh chuig an nGarda Síochána.